


Perwanit rancang tarik penagih sertai silat



HINDAR DADAH MELALUI SILAT: Anggota silat ini tidak cedera, sebaliknya genting yang dihentakkan ke badannya berkecal dalam satu demonstrasi di upacara penutup perkampungan silat Perwanit.

Oleh SAINI SALLEH

10 OCT 1989

PERSATUAN Wanita dan Teruna (Perwanit) merancang menarik penagih di Pusat Pemulihan Dadah (DRC) menyertai kegiatan silat sebagai usaha lanjutnya memerangi dadah.

Sesi latihan dan seraman silat di pusat-pusat itu diharap akan menelurkan minat di kalangan penagih dan seterusnya melanjutkan kegiatan itu apabila dibebaskan kelak.

Setiausaha Perwanit, Encik Johari Uriff, yang ditemui kemarin dalam acara penutup perkampungan silat anjuran Perwanit dengan kerjasama sembilan perguruan silat di Pusat Pendidikan Pertapis, berkata:

"Kegiatan silat banyak faedah bukan saja dari segi jasmani dan mental malah dapat menjauhkan seseorang daripada terjerumus ke kancah dadah.

"Melihatkan ramai belia Melayu terlibat dalam dadah, Perwanit merasakan sesuatu perlu dilakukan untuk membantu mengurangkan masalah itu.

"Sejajar dengan itu, Perwanit merancang menganjur latihan dan ceramah ke DRC" susuli pula dengan persembahan dan pameran bersama penagih."

Konsepnya lagi, rancangan itu dijangka dapat dimulakan awal tahun depan. Tetapi, sebagai langkah pertama Perwanit akan melibatkan penghuni rumah tumpangan Perintis dalam senaman silat setiap pagi Ahad, di pusat pendidikan tersebut, mulai hujung bulan ini.

Setiausaha Politik (Ehwal Dalam Negeri), Encik Harun Abdul Ghani, ketika diminta pandangannya, berkata, beliau memang ada rancangan membawa jurulatih silat melawat DRC.

Anggota Parlimen Kawasan-undi Perwakilan Berkumpulan (GRC) Bedok, Encik Ibrahim Othman, ketika berucap menutup perkampungan itu menyeru anggota silat, terutamanya anggota dewasa, supaya berkhidmat sebagai Pegawai Suka-rela Jagaan Lanjut (VAO).

Ia akan dapat menambah

jumlah VAO dan sekaligus menangan masalah dadah di sana, ketanya.

Sementara itu, para peserta perkampungan itu berpendapat acara ceramah dan sesi pengakuan penagih telah meningkatkan kesedaran mereka mengenai masalah dadah.

Seorang setiausaha sebuah firma guaman, Cik Masariah Amo'in, 21 tahun, berkata: "Banyak belia kita yang terbiar dan bersesbang tanpa tujuan. Akibatnya, ramal yang terjerumus dalam kancah dadah.

"Mengapa tidak menyertai silat yang bukan saja menyihatkan badan, malah menguatkan disiplin diri?"

Di samping acara mengenai antidadah, sejumlah 350 peserta perkampungan itu turut mempersembahkan silat kumpulan masing-masing.

Perguruan yang menyertai perkampungan itu ialah Silat Seni Gayong, Panca Sakti, Gayong Pasak, Sendeng Belalang, Cekak, Seligi Tunggal, Setia Bakti, Pencak Sunda dan Tapak Suci.

10 OCT 1989